



Broj: 02/1-~~524~~ /25
Kakanj, 21.07.2025. godine

OPĆINA KAKANJ

Stručna služba za poslove Općinskog vijeća

Bosna i Hercegovina
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA KAKANJ
STRUČNA SLUŽBA ZA POSLOVE OPĆINSKOG VIJEĆA
K A K A N J

Prijeto: 21. 7. 2025.

Org. jed.	Broj	Prilog	Vrijednost
03/1-	378	1/25	

PREDMET: Vijećničko pitanje, odgovor, *dostavlja se;*

Na 8. sjednici Općinskog vijeća održanoj 26.06.2025. godine, vijećnica Irna Imamović (SDP), je postavila sljedeće vijećničko pitanje:

„Da li postoji mogućnost i da li je razmatrana ideja da Općina Kakanj osnuje vlastitu apoteku koja bi organizovala rad u noćnoj smjeni.“

U vezi navedenog vijećničkog pitanja, dostavljamo sljedeći odgovor:

U skladu sa članom 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) i članom 24. Statuta Općine Kakanj („Službene novine Općine Kakanj“, broj: 4/08), Općinsko vijeće u okviru svoje nadležnosti osniva javna preduzeća i javne ustanove i druga pravna lica za obavljanje komunalnih, društvenih, privrednih i drugih djelatnosti od interesa za Općinu, te odlučuje o njihovim prestanku i statusnim promjenama u skladu sa zakonom. U pravilu, odluku o osnivanju navedenih pravnih lica, Općinsko vijeće donosi nakon izrade i usvajanja Elaborata o opravdanosti osnivanja.

Prema odredbama Zakona o apotekarskoj djelatnosti („Službene novine Federacije BiH“, broj: 40/10) apoteku zdravstvenu ustanovu može osnovati općina, kanton, domaće i strano fizičko, odnosno pravno lice u svim oblicima svojine. Na osnivanje i prestanak rada apoteke zdravstvene ustanove, organe upravljanja i rukovođenja, stručna tijela u apoteci zdravstvenoj ustanovi, te sredstva potrebna za osnivanje i rad apoteke kao zdravstvene ustanove, shodno se primjenjuju propisi o zdravstvenoj zaštiti i propisi o ustanovama, ako ovim zakonom nije drugačije određeno.

Na području općine Kakanj već određeni period nijedna apoteka nema organizovano dežurstvo u trajanju 00-24 sata, tako da su naši sugrađani primorani iza 22,00 sata (do kada trenutno radi Apoteka Medica Kakanj), nabavljati i kupovati lijekove u dežurnim apotekama susjednih gradova (Zenica i Visoko), iako Zakon o apotekarskoj djelatnosti („Službene novine Federacije BiH“, broj: 40/10) jasno propisuje da radno vrijeme organizacionih oblika apoteka u kojima se obavlja apotekarska djelatnost mora biti prilagođeno potrebama stanovništva u pogledu dostupnosti lijekova i kontinuiranog snabdijevanja. Kantonalno ministarstvo, saglasno

propisima o zdravstvenoj zaštiti, a u saradnji sa nadležnom komorom, propisuje za područje kantona početak, završetak i raspored radnog vremena apoteke, te način obavješćavanja javnosti o dežurnoj, odnosno pripravnoj apoteci ili njenoj organizacionoj jedinici. Član 56. navedenog Zakona, pored ostalog propisuje da u sredinama koje imaju organizovanu kontinuiranu zdravstvenu zaštitu (hitna pomoć) najmanje jedna apotekarska organizaciona jedinica **mora** organizovati dežurstvo u trajanju 00-24 sata radnim danima, u noćnim časovima, subotom i nedjeljom i u vrijeme praznika. Radno vrijeme i informacija o organizacionoj jedinici koja obavlja dežurstvo i pripravnost mora biti istaknuto na vidnom mjestu lako uočljivom za korisnika. Magistar farmacije mora biti prisutan u apoteci tokom cijelog radnog vremena. Znači, radi se o imperativnim zakonskim odredbama, prema kojima na području općine Kakanj, kao sredine koja ima organizovanu kontinuiranu zdravstvenu zaštitu (hitna pomoć) najmanje jedna apotekarska organizaciona jedinica **mora** organizovati dežurstvo u trajanju 00-24 sata radnim danima, u noćnim časovima, subotom i nedjeljom i u vrijeme praznika.

S tim u vezi Općina Kakanj se više puta pismeno obraćala Vladi i Ministarstvu zdravstva Zeničko – dobojskog kantona, te vlasnicima privatnih apoteka sa područja općine Kakanj, molbom i pozivom za hitno rješavanje predmetne problematike i poduzimanje potrebnih mjera i aktivnosti u vezi organizovanja i rada dežurne apoteke u Kakanju, kako bolesne osobe iz Kakanja ne bi morale putovati u susjedne gradove u noćnim satima radi liječenja i kupovine potrebnih lijekova. Nažalost, od strane Ministarstva zdravstva ZDK do danas nisu poduzete nikakve mjere i aktivnosti u vezi organizovanja i rada dežurne apoteke u Kakanju.

Na sastanku održanom sa Ministricom zdravstva ZDK, predsjednicom Farmaceutске komore ZDK i vlasnikom jedne od privatnih apoteka iz Kakanja, ukazali smo na pomenute zakonske odredbe i pozvali nadležne da se u skladu sa važećim propisima i svojim nadležnostima, hitno uključe u rješavanje predmetne problematike, kako naši sugrađani ne bi morali iza 22,00 sata nabavljati i kupovati lijekove u dežurnim apotekama susjednih gradova. Na sastanku smo istakli da od prestanka rada dežurne apoteke Medica Kakanj (00-24 sata) do danas imamo ogromne pritiske od strane naših sugrađana koji traže da se predmetni problem hitno riješi, jer se radi o jako osjetljivoj problematici i populaciji koja je pogođena prestankom rada dežurne apoteke, da Općina Kakanj, kao jedinica lokalne samouprave ima obavezu stvoriti uslove i ambijent za normalan život svojih sugrađana, a posebno kada je u pitanju liječenje, zdravlje i zdravstvena zaštita našeg stanovništva, da bez obzira na nadležnost, podržavamo i finansiramo brojne aktivnosti i projekte iz oblasti zdravstva, da smo uvijek uz naše sugrađane koji su u stanju potrebe, ali kada je u pitanju nastali problem, odnosno organizovanje rada apoteke koje su u privatnom vlasništvu i određivanje dežurnih apoteka, Općina Kakanj nema nadležnost, niti zakonske mogućnosti za poduzimanje bilo kakvih mjera i aktivnosti.

Na pomenutom sastanku razgovaralo se o načinima i modelima rješavanja nastalog problema, koji je prisutan u većini općina Zeničko – dobojskog kantona zbog ekonomske neisplativosti rada dežurne apoteke i nedostatka kvalificiranih radnika, a posebno magistara farmacije (od 12 općina/gradova u ZDK samo u Zenici i Visokom rade dežurne apoteke). Predstavnik privatne apoteke informisao je prisutne na sastanku da za organizovanje dežurstva i sufinansiranje rada privatne dežurne apoteke, Općina Kakanj treba izdvojiti oko 300.000,00 KM na godišnjem nivou, uz uslov da je takvo sufinansiranje i plaćanje zakonito i transparentno.

Razmatrana je i ideja osnivanja apoteke kao zdravstvene ustanove od strane Općine Kakanj. Organizatori sastanka su nas upoznali da javne apoteke imaju probleme u poslovanju, jer ne mogu pratiti tempo tržišta zbog ograničenja u donošenju odluka i uslova koje po pitanju formiranja cijena ne mogu mijenjati, kao što to čine privatne apoteke. Osnivanje, organizacija i rad javne apoteke u skladu sa važećim propisima zahtijeva obezbjeđenje značajnih finansijskih sredstava, te zapošljavanje većeg broja radnika, što ekonomski nije moguće opravdati, odnosno rad takve apoteke nije moguće organizirati bez gubitaka u poslovanju, a kao što je slučaj sa

javnom apotekom u Zenici (jedina javna apoteka na području ZDK i koja je trenutno u procesu privatizacije zbog konstantnog duga i nemogućnosti obezbjeđenja dovoljnih sredstava za poslovanje i nesmetan rad). Za rad javne apoteke u sve tri smjene potrebno je zaposliti minimalno 15 radnika, od kojih je većina visokoobrazovanih osoba. Procjenjuje se da je samo za plaće i naknade radnika godišnje potrebno izdvojiti preko 700.000,00 KM, te za ostale troškove oko 200.000,00 KM.

U konkurenciji kakva je prisutna posebno u Kaknju, gdje su određene privatne apoteke ujedno i veledrogerije i generalni uvoznici lijekova u našoj zemlji, javna apoteka ne bi mogla biti konkurentna.

Ističemo da je Općina Kakanj u proteklom periodu pozivala i vlasnike privatnih apoteka koje obavljaju svoju djelatnost u Kaknju, ali niko nije iskazao interes da osigura i organizira dežurstvo u trećoj smjeni, pravdajući to izuzetno niskim prometom koji imaju u periodu od 22:00 do 07:00 sati.

S poštovanjem.

DOSTAVLJENO:

1 x Naslov:

1 x a/a.

OPĆINSKI NAČELNIK
Mirnes Bajtarević
Mirnes Bajtarević



OPĆINA KAKANJ

Općinski načelnik

Broj: 02/1- ~~3418~~ /24
Kakanj, 07.05.2024. godine

MUNICIPALITY OF KAKANJ

Municipality Mayor

- **ZENIČKO – DOBOJSKI KANTON**
Ministarstvo zdravstva
Ul. Abdulaziza Aska Borića 2 B
n/r Ministar Aida Salčinović
- **MGM APOTEKA KAKANJ**
Ul. Alije Izetbegovića, Kakanj
- **APOTEKA MEDICA KAKANJ**
Ul. Alije Izetbegovića M-4, Kakanj
- **APOTEKA LJILJAN KAKANJ**
Ul. Selima ef. Merdanovica br.240, Kakanj
- **APOTEKA AVICENA KAKANJ**
Ul. Zenički partizanski odred bb, Kakanj
- **APOTEKA KOFARM KAKANJ**
Ul. Zeničkog partizanskog odreda, Kakanj

PREDMET: Organizovanje i rad dežurne apoteke u Kaknju, poduzimanje mjera i aktivnosti, *traži se;*

Poštovani.

U skladu sa članom 55. Zakona o apotekarskoj djelatnosti („Službene novine Federacije BiH“, broj: 40/10) radno vrijeme organizacionih oblika apoteka u kojima se obavlja apotekarska djelatnost mora biti prilagođeno potrebama stanovništva u pogledu dostupnosti lijekova i kontinuiranog snabdijevanja. Kantonalno ministarstvo zdravstva saglasno propisima o zdravstvenoj zaštiti, a u saradnji sa nadležnom komorom, propisuje za područje kantona početak, završetak i raspored radnog vremena apoteka, te način obavještanja javnosti o dežurnoj, odnosno pripravnoj apoteci ili njenoj organizacionoj jedinici.

Član 56. navedenog Zakona, pored ostalog propisuje da u sredinama koje imaju organizovanu kontinuiranu zdravstvenu zaštitu (hitna pomoć) najmanje jedna apotekarska organizaciona jedinica mora organizovati dežurstvo u trajanju 00-24 sata radnim danima, u noćnim časovima, subotom i nedjeljom i u vrijeme praznika. Radno vrijeme i informacija o organizacionoj jedinici koja obavlja dežurstvo i pripravnost mora biti istaknuto na vidnom mjestu lako uočljivom za korisnika.

Znači, radi se imperativnim zakonskim odredbama, prema kojima na području općine Kakanj, kao sredine koja ima organizovanu kontinuiranu zdravstvenu zaštitu (hitna pomoć), najmanje jedna apotekarska organizaciona jedinica mora organizovati dežurstvo u trajanju 00-24 sata radnim danima, u noćnim časovima, subotom i nedjeljom i u vrijeme praznika.

S tim u vezi obavještavamo vas da na području općine Kakanj već nekoliko mjeseci nijedna apoteka nema organizovano dežurstvo u trajanju 00-24 sata, tako da su naši sugrađani primorani iza 22,00 sata (do kada trenutno radi Apoteka Medica Kakanj), nabavljati i kupovati lijekove u dežurnim apotekama susjednih gradova (Zenica i Visoko), iako Zakon o apotekarskoj djelatnosti jasno propisuje da radno vrijeme organizacionih oblika apoteka u kojima se obavlja apotekarska djelatnost mora biti prilagođeno potrebama stanovništva u pogledu dostupnosti lijekova i kontinuiranog snabdijevanja.

Od prestanka rada dežurne apoteke Medica Kakanj (00-24 sata) do danas imamo ogromne pritiske od strane naših sugrađana koji traže da se predmetni problem hitno riješi, jer se radi jako osjetljivoj problematici i populaciji koja je pogođena prestankom rada dežurne apoteke.

Općina Kakanj, kao jedinica lokalne samouprave ima obavezu stvoriti uslove i ambijent za normalan život svojih sugrađana, a posebno kada je u pitanju liječenje, zdravlje i zdravstvena zaštita našeg stanovništva. Bez obzira na nadležnost podržavamo i finansiramo brojne aktivnosti i projekte iz oblasti zdravstva. Uvijek smo uz naše sugrađane koji su u stanju potrebe, ali kada je u pitanju nastali problem, odnosno organizovanje rada apoteka koje su u privatnom vlasništvu i određivanje dežurnih apoteka, Općina Kakanj nema nadležnost, niti zakonske mogućnosti za poduzimanje bilo kakvih mjera i aktivnosti. Bez vaše pomoći i podrške, Općina Kakanj ne može riješiti ovaj problem.

Imajući u vidu navedeno molimo nadležno Ministarstvo zdravstva ZDK da hitno poduzme potrebne mjere i aktivnosti u vezi organizovanja i rada dežurne apoteke u Kakanju, kako bolesne osobe iz Kakanja ne bi morale putovati u susjedne gradove u noćnim satima radi kupovine potrebnih lijekova.

Također, molimo i vlasnike privatnih apoteka da se iz ljudskih i humanih razloga uključe u rješavanje ove problematike, odnosno da organiziraju dežurstva i rad apoteka u noćnim satima do iznalaženja trajnog rješenja, a kako bi se olakšao život naših sugrađana koji imaju zdravstvene probleme i potrebu za nabavkom lijekova u noćnim satima.

S poštovanjem,

Dostavljeno:
6 x Naslov;
1 x a/a.



OPĆINSKI NAČELNIK
Mirnes Bajtarević



OPĆINA KAKANJ
Općinski načelnik

MUNICIPALITY OF KAKANJ
Municipality Mayor

Broj: 02/1-5767/24
Kakanj, 08.08.2024. godine

ZENIČKO – DOBOJSKI KANTON
Ministarstvo zdravstva
Ul. Abdulaziza Aska Borića 2 B
Zenica
n/r Ministrica Aida Salčinović

PREDMET: Organizovanje i rad dežurne apoteke u Kaknju, poduzimanje mjera i aktivnosti, *traži se - urgencija;*

VEZA – Naš akt, broj: 02/1-3418/24 od 07.05.2024. godine;

Poštovana Ministrice.

Poznato Vam je da na području općine Kakanj već nekoliko mjeseci nijedna apoteka nema organizovano dežurstvo u trajanju 00-24 sata, tako da su naši sugrađani primorani iza 22,00 sata (do kada trenutno radi Apoteka Medica Kakanj), nabavljati i kupovati lijekove u dežurnim apotekama susjednih gradova (Zenica i Visoko), iako Zakon o apotekarskoj djelatnosti jasno propisuje da radno vrijeme organizacionih oblika apoteka u kojima se obavlja apotekarska djelatnost mora biti prilagođeno potrebama stanovništva u pogledu dostupnosti lijekova i kontinuiranog snabdijevanja. Od prestanka rada dežurne apoteke Medica Kakanj (00-24 sata) do danas imamo ogromne pritiske od strane naših sugrađana koji traže da se predmetni problem hitno riješi, jer se radi o jako osjetljivoj problematici i populaciji koja je pogođena prestankom rada dežurne apoteke. Kada je u pitanju nastali problem, odnosno organizovanje rada apoteke koje su u privatnom vlasništvu i određivanje dežurnih apoteka, Općina Kakanj nema nadležnost, niti zakonske mogućnosti za poduzimanje bilo kakvih mjera i aktivnosti. Bez vaše pomoći i podrške, Općina Kakanj ne može riješiti ovaj problem.

Aktom Općine Kakanj, broj i datum veze, obratili smo se Ministarstvu zdravstva Zeničko – dobojskog kantona molbom da u skladu sa važećim propisima i u okviru svojih nadležnosti hitno poduzme potrebne mjere i aktivnosti u vezi organizovanja i rada dežurne apoteke u Kaknju, kako bolesne osobe iz Kaknja ne bi morale putovati u susjedne gradove u noćnim satima radi kupovine potrebnih lijekova.

Nažalost, evo i nakon tri mjeseca nismo dobili nikakav odgovor od Ministarstva zdravstva Zeničko – dobojskog kantona, kao i apoteka kojima smo dostavili pomenutu molbu. Također, do danas nisu poduzete nikakve mjere i aktivnosti u vezi organizovanja i rada dežurne apoteke u Kaknju.

Stoga Vas još jedanput molimo i pozivamo da se u skladu sa važećim propisima i svojim nadležnostima, hitno uključite u rješavanje predmetne problematike, kako naši sugrađani ne bi morali iza 22,00 sata nabavljati i kupovati lijekove u dežurnim apotekama susjednih gradova.

S poštovanjem.

PRILOG:

- Akt Općine Kakanj, 02/1-3418/24 od 07.05.2024. godine;

DOSTAVLJENO:

1 x Naslov;

1 x a/a.



OPĆINSKI NAČELNIK

Mirnes Bajtarević
Mirnes Bajtarević



Broj: 02/1- ~~6651~~ /24
Kakanj, 17.09.2024. godine

ZENIČKO – DOBOJSKI KANTON
Vlada Zeničko – dobojskog kantona

- **Ured premijera**
Ul. Kučukovići 2, Zenica
n/r Premijer Nezir Pivić
- **Ministarstvo zdravstva**
Ul. Abdulaziza Aska Borića 2 B, Zenica
n/r Ministrica Aida Salčinović

PREDMET: Organizovanje i rad dežurne apoteke u Kaknju, poduzimanje mjera i aktivnosti, *traži se – druga urgencija;*

VEZA – Naši akti, broj: 02/1-3418/24 od 07.05.2024. godine i
broj: 02/1-5767/24 od 08.08.2024. godine;

Poštovani.

Dana 07.05.2024. godine Općina Kakanj se obratila Ministarstvu zdravstva Zeničko – dobojskog kantona i vlasnicima privatnih apoteka sa područja općine Kakanj molbom za poduzimanje potrebnih mjera i aktivnosti u vezi organizovanja i rada dežurne apoteke u Kaknju, kako bolesne osobe iz Kaknja ne bi morale putovati u susjedne gradove u noćnim satima radi liječenja i kupovine potrebnih lijekova.

Napominjemo da na području općine Kakanj već nekoliko mjeseci nijedna apoteka nema organizovano dežurstvo u trajanju 00-24 sata, tako da su naši sugrađani primorani iza 22,00 sata (do kada trenutno radi Apoteka Medica Kakanj), nabavljati i kupovati lijekove u dežurnim apotekama susjednih gradova (Zenica i Visoko), iako Zakon o apotekarskoj djelatnosti („Službene novine Federacije BiH“, broj: 40/10) jasno propisuje da radno vrijeme organizacionih oblika apoteka u kojima se obavlja apotekarska djelatnost **mora** biti prilagođeno potrebama stanovništva u pogledu dostupnosti lijekova i kontinuiranog snabdijevanja. Kantonalno ministarstvo, saglasno propisima o zdravstvenoj zaštiti, a u saradnji sa nadležnom komorom, propisuje za područje kantona početak, završetak i raspored radnog vremena apoteka, te način obavješćavanja javnosti o dežurnoj, odnosno pripravnoj apoteci ili njenoj organizacionoj jedinici. Član 56. navedenog Zakona, pored ostalog propisuje

da u sredinama koje imaju organizovanu kontinuiranu zdravstvenu zaštitu (hitna pomoć) najmanje jedna apotekarska organizaciona jedinica mora organizovati dežurstvo u trajanju 00-24 sata radnim danima, u noćnim časovima, subotom i nedjeljom i u vrijeme praznika. Radno vrijeme i informacija o organizacionoj jedinici koja obavlja dežurstvo i pripravnost mora biti istaknuto na vidnom mjestu lako uočljivom za korisnika. Znači, radi se o imperativnim zakonskim odredbama, prema kojima na području općine Kakanj, kao sredine koja ima organizovanu kontinuiranu zdravstvenu zaštitu (hitna pomoć) najmanje jedna apotekarska organizaciona jedinica mora organizovati dežurstvo u trajanju 00-24 sata radnim danima, u noćnim časovima, subotom i nedjeljom i u vrijeme praznika.

S obzirom da nismo dobili nikakav odgovor od Ministarstva zdravstva Zeničko – dobojskog kantona, kao i apoteka kojima smo dostavili pomenutu molbu, te da nisu poduzete nikakve mjere i aktivnosti, dana 08.08.2024. godine uputili smo urgenciju Ministarstvu zdravstva Zeničko – dobojskog kantona za hitno rješavanje predmetne problematike. Nažalost, evo i nakon više od četiri mjeseca nemamo nikakav odgovor od Ministarstva zdravstva Zeničko – dobojskog kantona. Također, do danas nisu poduzete nikakve mjere i aktivnosti u vezi organizovanja i rada dežurne apoteke u Kakanju.

Ističemo da od prestanka rada dežurne apoteke Medica Kakanj (00-24 sata) do danas imamo ogromne pritiske od strane naših sugrađana koji traže da se predmetni problem hitno riješi, jer se radi o jako osjetljivoj problematici i populaciji koja je pogođena prestankom rada dežurne apoteke.

Općina Kakanj, kao jedinica lokalne samouprave ima obavezu stvoriti uslove i ambijent za normalan život svojih sugrađana, a posebno kada je u pitanju liječenje, zdravlje i zdravstvena zaštita našeg stanovništva. Bez obzira na nadležnost, podržavamo i finansiramo brojne aktivnosti i projekte iz oblasti zdravstva. Uvijek smo uz naše sugrađane koji su u stanju potrebe, ali kada je u pitanju nastali problem, odnosno organizovanje rada apoteke koje su u privatnom vlasništvu i određivanje dežurnih apoteka, Općina Kakanj nema nadležnost, niti zakonske mogućnosti za poduzimanje bilo kakvih mjera i aktivnosti. Bez vaše pomoći i podrške, Općina Kakanj ne može riješiti ovaj problem.

Stoga Vas još jedanput molimo i pozivamo da se u skladu sa važećim propisima i svojim nadležnostima, hitno uključite u rješavanje predmetne problematike, kako naši sugrađani ne bi morali iza 22,00 sata nabavljati i kupovati lijekove u dežurnim apotekama susjednih gradova.

S poštovanjem.

PRILOG:

- Akt Općine Kakanj, 02/1-3418/24 od 07.05.2024. godine;
- Akt Općine Kakanj, 02/1-5767/24 od 08.08.2024. godine;

DOSTAVLJENO:

2 x Naslov;
1 x a/a.



OPĆINSKI NAČELNIK

Mirnes Bajtarević



Bosna i Hercegovina
Federacija Bosne i Hercegovine
Zeničko-dobojski kanton



OPĆINA KAKANJ
Turistička zajednica Općine Kakanj
Tourism Association of the Municipality of Kakanj

Broj: 06-68/25
Kakanj, 15.07.2025. godine

OPĆINSKO VIJEĆE KAKANJ
Stručna služba za poslove Općinskog vijeća

Primljeno:

16-07-2025

Org. jed.	Kl. oznaka	Broj	Prilog

Na osnovu statutarnih odredbi, a u vezi sa vijećničkim pitanjem vijećnika Dževdeta Huskića (NS) postavljenim na 8. sjednici Općinskog vijeća održanoj dana 26.06.2025. godine, Turistička zajednica Općine Kakanj dostavlja sljedeći:

ODGOVOR NA VIJEĆNIČKO PITANJE

Poštovani,

Zahvaljujemo se vijećniku gospodinu Dževdetu Huskiću na iskazanom interesovanju za rad Turističke zajednice Općine Kakanj, kao i na konstruktivnoj namjeri da doprinese unapređenju našeg djelovanja.

Na osnovu:

- Rješenja o konačnom imenovanju direktora Turističke zajednice Općine Kakanj, broj: 02/1-3259/25 od 29.04.2025. godine (imenovanje sa početkom od 05.05.2025. godine), te
- Rješenja o konačnom imenovanju članova Nadzornog odbora Turističke zajednice Općine Kakanj, broj: 02/1-4341/25 od 11.06.2025. godine,

stvoreni su tehnički i formalni uslovi za rad Turističke zajednice. Neposredno nakon uspostavljanja upravljačkih organa, na narednoj sjednici Nadzornog odbora pristupljeno je izradi Programa rada Turističke zajednice Općine Kakanj za 2025. godinu sa finansijskim planom, u skladu sa zakonskim obavezama i raspoloživim finansijskim sredstvima.

U vezi sa postavljenim vijećničkim pitanjem, obavještavamo Vas da zadatke Turističke zajednice definišu sljedeći dokumenti:

- Statut Turističke zajednice Općine Kakanj, posebno član 6., u kojem su u stavu (1) i stavu (2) jasno navedeni zadaci zajednice;
- Zakon o turizmu Zeničko-dobojskog kantona („Službene novine Zeničko-dobojskog kantona“, broj: 12/22), koji u članu 54. propisuje djelatnosti i zadatke turističkih zajednica, te u članu 57. obavezuje na dostavljanje godišnjeg programa rada i finansijskog plana u skladu sa raspoloživim sredstvima.





Napominjemo da zakonski i statutarno definisani zadaci Turističke zajednice ujedno predstavljaju osnov za planiranje programskih aktivnosti i finansijskog plana, a njihova realizacija doprinosi ispunjavanju ciljeva i zadataka definisanih za konkretni period.

U ovom slučaju, planirane aktivnosti odnose se na period od 05.05.2025. do 31.12.2025. godine, što se, po trajanju, može smatrati kratkoročnim ciljevima (jer se dugoročni ciljevi odnose na period od godinu dana ili duže), koji su usklađeni sa raspoloživim sredstvima i operativnim kapacitetima u navedenom vremenskom okviru.

Shodno tome, na Drugoj redovnoj sjednici Nadzornog odbora, održanoj 01.07.2025. godine, usvojen je Program rada Turističke zajednice Općine Kakanj za 2025. godinu sa finansijskim planom, broj: 06-67/25 od 27.06.2025. godine.

Navedeni dokument sadrži pregled konkretnih i planiranih aktivnosti u svrhu razvoja turizma na području naše općine. Program će biti predložen za razmatranje na narednoj sjednici Općinskog vijeća, a dostavljamo ga u prilogu ovog odgovora.

Još jednom zahvaljujemo na podršci, interesovanju i spremnosti na saradnju.




Edin Bjelopoljak
Direktor
Turistička zajednica Općine Kakanj

Dostaviti:

1. Stručna služba za poslove Općinskog vijeća
2. a/a





Bosna i Hercegovina
Federacija Bosne i Hercegovine
Zeničko-dobojski kanton

OPĆINA KAKANJ
Zavod za planiranje i izgradnju
Općine Kakanj



Broj: 01/1-04-1618/25
Datum: 15.07.2025.god.

OPĆINA KAKANJ

Općinsko vijeće

PREDMET: Odgovor na vijećničku inicijativu – dostavlja se

Na 8. sjednici Općinskog vijeća održanoj 26.06.2025. godine, vijećnik Mensur Čehajić (SDP) je pokrenuo slijedeću **VIJEĆNIČKU INICIJATIVU**:

„Za zamjenu dotrajalih neispravnih rasvjetnih tijela na mostu u MZ Doboju. S obzirom na važnost mosta za svakodnevni prolaz djece i vozila smatram da je hitna intervencija neophodna za zamjenu rasvjetnih tijela, jer loša osvijetljenost mosta predstavlja ozbiljnu opasnost za pješake, naročito za djecu i starije osobe.“

Odgovor:

Zavod za planiranje i izgradnju općine Kakanj uvažava inicijativu vijećnika i ovim putem odgovara da su već ranije poduzete određene aktivnosti na navedenoj lokaciji dat je nalog izvođaču radova na poslovima javne rasvjete (dana 02.07.2025.god.) da izvrši sanaciju svih neispravnih rasvjetnih tijela.

Dostavljeno:

1x Naslovu

1x a/a

DIREKTOR
[Signature]
Izudin Rušćul





OPĆINA KAKANJ

*Stručna služba za poslove Općinskog načelnika
Odsjek za inspekcije*

MUNICIPALITY OF KAKANJ

*Mayor's Office
Department for Inspections*


Broj: 02/10-786/25

Datum: 15.07.2025. godine

**OPĆINA KAKANJ
OPĆINSKO VIJEĆE**

Dostaviti putem:

Stručne službe za poslove Općinskog vijeća



Predmet: Odgovor na Vijećničku inicijativu, dostavlja se
Veza, Vaš akt broj: 01/1-8-288/25 od 26.06.2025. godine

Na 8. sjednici Općinskog vijeća održanoj 26.06.2025. godine, vijećnica Vinka Aletović pokrenula je Vijećničku inicijativu kojom traži da se izvrši dezinfekcija štetnih insekata, posebno žohara na području općine Kakanj, a naročito u zgradama i lokacijama na tzv. maloj ulici:

U vezi sa navedenim dajemo slijedeći odgovor:

Na području općine Kakanj su od 23. do 26.04.2025. godine izvršene obavezne proljetne DDD mjere od Instituta za zdravlje i sigurnost hrane Zenica, pod nadzorom Sanitarne inspekcije Općine Kakanj.

Dana 13.06.2025. godine Odsjek za inspekcije je naredio subjektu nadzora J.P. „Vodokom“ d.o.o. Kakanj i subjektu nadzora „Harry electrics“, d.o.o. Kakanj kao upraviteljima stambenog fonda da izvrše vanredne DDD mjere u svim stambenim jedinicama, a naročito na tzv. maloj ulici (zgrade „M“ i „K“). Kontrola postupanja će biti izvršena u razumnim rokovima i po određenim objektima.

Napominjemo da je ovaj organ u prethodnim periodima u više navrata vršio inspeksijske nadzore u pomenutim zgradama s ciljem animiranja stanara na čišćenje podrumskih i tavanjskih prostorija (što im je i obaveza) kako bi se spriječila i sama pojava žohara ili miševa, te naređivao provođenje vanrednih DDD mjera.

S poštovanjem!

Dostavljeno:

1x Naslov

1x a/a





OPĆINA KAKANJ

*Stručna služba za poslove Općinskog načelnika
Odsjek za inspekcije*

MUNICIPALITY OF KAKANJ

*Mayor's Office
Department for Inspections*


Broj: 02/10-627/25

Datum: 15.07.2025. godine

**OPĆINA KAKANJ
OPĆINSKO VIJEĆE**

Dostaviti putem:

Stručne službe za poslove Općinskog vijeća



Predmet: Odgovor na Vijećničku inicijativu, dostavlja se

Veza, Vaš akt broj: 01/1-7-243/25 od 30.05.2025. godine,

01/1-8-279/25 od 26.06.2025. godine.

Na 7. sjednici Općinskog vijeća održanoj 30.05.2025. godine, vijećnik Dževdet Huskić pokrenuo je Vijećničku inicijativu koja se odnosi na dostavljanje na uvid okolinske dozvole za deponiju „Bare“ i dozvola nadležnih institucija za odlaganje animalnog otpada.

U obrazloženju navodi da u odgovoru Ministarstva za prostorno uređenje, promet i komunikacije i zaštitu okoliša ZDK na postavljeno zastupničko pitanje o važećoj okolinskoj dozvoli za deponiju „Bare“ se navodi da na zahtjev Ministarstva, u ostavljenom roku 2023. godine, J.P. „Vodokom“ nije dopunio traženu dokumentaciju za obnovu okolinske dozvole za sanaciju postojeće deponije komunalnog otpada. Kako navodi, zbog toga je Ministarstvo odbacilo podneseni zahtjev J.P. „Vodokom“-a i smatra se da kao da nije ni podnesen. Također, navodi da se u odgovoru nalazi i to da nakon pribavljene Urbanističke saglasnosti, u julu 2024. godine, za radove na sanaciji deponije, do maja tekuće godine, nije podnesen zahtjev za obnovu okolinske dozvole. Osim toga, navodi da je Ministarstvo za prostorno uređenje, promet i komunikacije i zaštitu okoliša ZDK, izdalo J.P. „Vodokom“-u dozvolu za upravljanje otpadom i njegovo odlaganje na deponiji „Bare“ kojom su precizno definisane vrste i količine otpada koji se može tretirati ili odložiti, ne navodeći odlaganje animalnog otpada.

Također, na 8. sjednici Općinskog vijeća održanoj 26.06.2025. godine vijećnik Dževdet Huskić pokrenuo je Vijećničku inicijativu u vezi sa prekidanjem nelegalnog deponovanja otpada u Barma i da se otpad iz Kaknja hitno počne deponovati na regionalnu deponiju Mošćanica, kao što je u praski i ostalih općina ZDK, te da se javnosti podnese izvještaj o potencijalnim ekološkim i sanitarnim posljedicama dosadašnjeg odlaganja otpada.

U vezi sa navedenim dajemo slijedeći odgovor:

Inspeksijski nadzor ponašanja subjekata nadzora u skladu sa izdatim ili izdavanjem Okolinskih dozvola u vezi deponije otpada, izdavanjem potrebnih dozvola za izgradnju objekata koji su u vezi sa deponijom otpada, zatvaranje i druge radnje vrši organ uprave koji isto rješava u prvom stepenu (nadležno kantonalno i federalno ministarstvo i nadležna kantonalna i federalna inspekcija).

Odsjek za inspekcije Općine Kakanj – Sanitarna inspekcija u okviru svojih nadležnosti vrši samo sanitarno-higijenski nadzor pojedinačnih postupanja subjekta nadzora, kao i svih drugih subjekata.

S poštovanjem!

Dostavljeno:

1x Naslov

1x a/a





OPĆINA KAKANJ

*Stručna služba za poslove Općinskog načelnika
Odsjek za inspekcije*

MUNICIPALITY OF KAKANJ

*Mayor's Office
Department for Inspections*


Broj: 02/10-785/25

Datum: 15.07.2025. godine

**OPĆINA KAKANJ
OPĆINSKO VIJEĆE**

Dostaviti putem:

Stručne službe za poslove Općinskog vijeća



Predmet: Odgovor na Vijećničko pitanje, dostavlja se
Veza, Vaš akt broj: 01/1-8-275/25 od 26.06.2025. godine

Na 8. sjednici Općinskog vijeća održanoj 26.06.2025. godine, vijećnik Dževdet Huskić je postavio sljedeće:
„Da li ste svjesni da J.P. „Vodokom“ ne posjeduje važeću okolinsku dozvolu za sanaciju i zatvaranje postojeće deponije komunalnog otpada, kao ni za izgradnju pratećih sadržaja u skladu sa regionalnim konceptom odlaganja otpada na lokalitetu „Bare“? Također je naveo da ne posjeduju ni dozvolu za upravljanje animanim otpadom na pomenutoj lokaciji, niti je istu moguće pribaviti imajući u vidu da se deponija mora sanirati i zatvoriti.

U vezi sa navedenim dajem sljedeći odgovor:

Odsjek za inspekcije Općine Kakanj – Sanitarna inspekcija u okviru svojih nadležnosti vrši samo sanitarno-higijenski nadzor pojedinačnih postupanja subjekta nadzora, kao i svih drugih subjekata.

Inspeksijski nadzor u vezi sanacije i zatvaranja postojeće deponije komunalnog otpada je u nadležnosti Kantonalne inspekcije za zaštitu okoliša Že-do kantona.

S poštovanjem!

Dostavljeno:

1x Naslov

1x a/a



ŠEF ODSJEKA ZA INSPEKCIJE

Amir Dedić



OPĆINA KAKANJ

*Stručna služba za poslove Općinskog načelnika
Odsjek za inspekcije*

MUNICIPALITY OF KAKANJ

*Mayor's Office
Department for Inspections*

Broj: 02/10-628-787/25
Datum: 15.07.2025. godine

**OPĆINA KAKANJ
OPĆINSKO VIJEĆE**

*Dostaviti putem:
Stručne službe za poslove Općinskog vijeća*

Bosna i Hercegovina
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA KAKANJ
STRUČNA SLUŽBA ZA POSLOVE OPĆINSKOG VIJEĆA
K A K A N J

Primljeno: 15.7.2025.			
Org. jed.	Broj	Godi	Opisnost
03/1-372/25			

Predmet: Odgovor na Vijećničku inicijativu, dostavlja se
*Veza, Vaš akt broj: 01/1-7-244/25 od 30.05.2025. godine,
01/1-8-283/25 od 26.06.2025. godine.*

Na 7. i 8. sjednici Općinskog vijeća održanoj 30.05.2025. godine, i 26.06.2025. godine vijećnik Branko Češljic pokrenuo je Vijećničku inicijativu koja se odnosi na pregled ispravnosti glavnog kanalizacionog cjevovoda od naselja Zgošća do rijeke Bosne, te dostavljanje izvještaja o rezultatima pregleda. U nastavku inicijative daje obrazloženje.

U vezi sa navedenim dajemo slijedeći odgovor:

Odsjek za inspekcije Općine Kakanj -- Sanitarna inspekcija je subjektu nadzora koji upravlja predmetnim kanalizacionim sistemom dana 25.06.2025. godine izdala Rješenje kojim se naređuje detaljan pregled kanalizacionog sistema u naselju Zgošća do rijeke Bosne i sanaciju puknuća. Takođe je u Rješenju istaknuto da će se ukoliko subjekt nadzora ne postupi po istom pristupiti novčanom kažnjavanju jer se predmetno Rješenje ne može izvršiti putem drugog lica. Ovaj organ će blagovremeno izvršiti kontrolni inspeksijski nadzor, te o svemu obavijestiti Općinsko Vijeće.

S poštovanjem!


Dostavljeno:

1x Naslov

1x a/a



SEF ODSJEKA ZA INSPEKCIJE
Antir Dedić



Bosna i Hercegovina
Federacija Bosne i Hercegovine
Zeničko-dobojski kanton

OPĆINA KAKANJ
Zavod za planiranje i izgradnju
Općine Kakanj



Broj:01/2-11- /607/25

Datum: 14.07.2025. godine

Stručna služba Općinskog vijeća Kakanj

Predmet: Odgovor na Vijećničku inicijativu, dostavlja se

Zavodu za planiranje i izgradnju općine Kakanj upućena je vijećnička inicijativa broj:01/1-8-287/25 od 26.06.2025. godine, vijećnica Vinka Aletović (SDP) je uputila sljedeću vijećničku inicijativu:

"Da se asfaltira dio puta ispred JU „Mladost“ Kakanj. Ispred JU „ Mladost“ potrebno je asfaltirati dionicu od svega sedam kvadrata, koja se nalazi ispod nivoa puta i predstavlja problem za saobraćanje vozila i sigurnost prilikom kretanja djece i pješaka".

Odgovor:

Obavještavamo Vas da je izvođaču radova, s kojim je zaključen ugovor za redovno održavanje cesta, dostavljen nalog za sanaciju bankine ispred JU „Mladost“.

S poštovanjem

Dostavljeno:

1x Naslovu

1x a/a

DIREKTOR

Izudin Puščul



Ul, branilaca 1
72240 Kakanj



zavod@kakanj.gov.ba



T: 032 552 011

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko pravobranilaštvo**

Broj: R-53/25
Kakanj, 14.07.2025. godine

14.7.2025.
03/1-366/25
**STRUČNA SLUŽBA ZA POSLOVE
OPĆINSKOG VIJEĆA**

PREDMET: Odgovor na vijećničko pitanje, *dostavlja se*

VEZA: Vaš akt, broj: 01/1-8-276/25 od 26.06.2025. godine

Ovom pravobranilaštvu je dana 03.07.2025. godine na odgovor dostavljeno vijećničko pitanje vijećnika Čehajić Mensura, postavljeno na 8. sjednici Općinskog vijeća održanoj 26.06.2025. godine, a koje se odnosi na uzurpaciju dijela saobraćajnice na parceli k.č. br. 2176/3 K.O. Kakanj što otežava javni saobraćaj i stvara pravnu nesigurnost.

S obzirom da se u pravobranilaštvu ne nalaze relevantni katastarski registri i da nije nadležno za poslove provođenja prostorne, urbanističke i druge planske dokumentacije, ovo pravobranilaštvo se obratilo općinskim službama nadležnim za poslove donošenja i provođenja prostorne, urbanističke i druge planske dokumentacije, kao i vršenje stručnih poslova u imovinsko-pravnim i drugim stvarno-pravnim odnosima na nekretninama od kojih da je dobilo odgovor da je Služba za privredu, urbanizam i zaštitu okoline rješavajući zahtjev Hasanbegović Esada dala stručno mišljenje, broj: 04/1-297/25 od 13.03.2025. godine i dopunu stručnog mišljenja, broj: 04/1-638/25 od 12.06.2025. godine u kojim mišljenjima je navedeno da se za objekat-garažu investitora Hasanbegović Esada, koja je izgrađena na parceli koja se navodi u vijećničkom pitanju, a označena je kao „ulica“ D.S. Javno dobro putevi, može naknadno izdati rješenje o urbanističkoj saglasnosti i odobrenje za građenje uz uslov da su prethodno riješeni imovinsko-pravni odnosi i ispunjeni ostali zakonski uslovi. Od Službe za imovinsko-pravne, geodetske poslove i katastar nekretnina ovo pravobranilaštvo je dobilo informaciju da je rješavanje imovinsko-pravnih odnosa po ovom pitanju u toku. Dakle, sve detaljnije odgovore i informacije u vezi navedenog pitanja vijećnik može dobiti od Službe za imovinsko-pravne, geodetske poslove i katastar nekretnina.

Dostavljeno:

1x Stručna služba za poslove Općinskog vijeća
1x a/a



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko pravobranilaštvo**

Broj: R-52/25
Kakanj, 10.07.2025. godine

19.2.2025.
STRUČNA SLUŽBA ZA POSLOVE

OPĆINSKOG VIJEĆA

03/1-367/25

PREDMET: Odgovor na vijećničko pitanje, *dostavlja se*

VEZA: Vaš akt, broj: 01/1-8-275/25 od 26.06.2025. godine

Ovom pravobranilaštvu je dana 03.07.2025. godine na odgovor dostavljeno vijećničko pitanje vijećnika Huskić Dževdeta, postavljeno na 8. sjednici Općinskog vijeća održanoj 26.06.2025. godine, sljedeće sadržine: „Da li ste svjesni da JP „Vodokom“ ne posjeduje važeću okolinsku dozvolu za sanaciju i zatvaranje postojeće deponije komunalnog otpada, kao ni za izgradnju pratećih sadržaja u skladu s regionalnim konceptom odlaganja otpada na lokalitetu „Bare“? Također, ne posjeduje ni dozvolu za upravljanje animalnim otpadom na predmetnoj lokaciji, niti je istu moguće pribaviti imajući u vidu da se deponija mora sanirati i zatvoriti.“

Nadležnost i djelokrug rada Općinskog pravobranilaštva određena je Zakonom o pravobranilaštvu („Službene novine Zeničko-dobojskog kantona“, broj 12/13), pa je iz članova 2, 11, 12. i 13. navedenog zakona vidljivo da općinska pravobranilaštva obavljaju poslove pravne zaštite imovine i imovinskih interesa općine, te s tim u vezi poduzimaju pravna sredstva i mjere, odnosno pružaju stručnu pomoć radi zaštite tih interesa. Dakle, općinska pravobranilaštva nisu nadležna vršiti inspeksijski nadzor, izdavati ili ukidati okolinske dozvole, kao ni zatvarati deponije otpada. Takve mjere ili aktivnosti bi se svakako mogle smatrati prekoracenjem nadležnosti. Uostalom, to je vidljivo i iz akta Kantonalne uprave za inspeksijske poslove, broj: 18/08-02-19-8633-1/25 od 30.04.2025. godine gdje je jasno navedeno da odgovornost za provedbu zakonskih odredbi vezanih za postavljeno pitanje jeste u nadležnosti inspeksijskih organa ali da isti nemaju na raspolaganju stvarne mehanizme za rješavanje ovog problema, osim izricanja prekršajnih kazni.

Ističemo da ovo pravobranilaštvo postupa po svakom osnovanom zahtjevu, dostavljenim podacima i obavještenjima o ugrožavanju, narušavanju ili osporavanju prava i stvari u vlasništvu Općine Kakanj, odnosno preduzima sve potrebne pravne radnje i sredstva na koje je ovlašteno. Dakle, ono što bi u konkretnom slučaju pravobranilaštvo moglo uraditi jeste da obavijesti nadležne inspeksijske organe ali je iz dostavljene dokumentacije vidljivo da su isti upoznati s predmetnom problematikom, pa čak da su i poduzeli mjere u okviru svojih nadležnosti.

Dostavljeno:

1x Stručna služba za poslove Općinskog vijeća
1x a/a





Bosna i Hercegovina
Federacija Bosne i Hercegovine
Zeničko-dobojski kanton



OPĆINA KAKANJ
JU Centar za socijalni rad Kakanj

Broj: 01-05-3-2294/25

Datum: 09.07.2025.

Općina Kakanj

Općinsko vijeće

Predmet: **Vijećnička inicijativa** – “Da Općina Kakanj preuzme na sebe refundaciju troškova koji nastaju prilikom posredovanja pri razvodu..”.

Poštovani,

Zahvaljujemo se na dostavljenoj vijećničkoj inicijativi kojom se predlaže da Općina Kakanj preuzme refundaciju troškova koji nastaju prilikom posredovanja u postupku razvoda braka.

Nakon razmatranja, naš stav je da Općina Kakanj treba težiti jačanju porodičnih vrijednosti i preventivnom djelovanju kroz savjetovanje i podršku bračnim parovima s ciljem pomirenja i očuvanja porodice. Smatramo da je prioritet ulagati u programe psihosocijalne pomoći i porodičnog savjetovanja, kako bi se spriječili konflikti i raskidi braka gdje god je to moguće. Refundacija troškova posredovanja pri razvodu, iako dobronamjerna, može stvoriti poruku da Općina podržava ili olakšava razvod kao prvi izbor, umjesto da potiče dijalog i rješavanje problema unutar porodice.

Također napominjemo da Centar za socijalni rad Kakanj već aktivno pruža besplatnu pravnu pomoć, porodično savjetovanje, psiho-socijalne tretmane i druge usluge podrške koje imaju za cilj pomoći građanima u rješavanju bračnih i porodičnih problema. Ove usluge su dostupne svim građanima i predstavljaju kvalitetan temelj za prevenciju teških porodičnih raskola. Centar će nastaviti raditi na jačanju preventivnih mehanizama i usluga koje podržavaju stabilnost porodica, te da je društveno odgovornije nastaviti jačati preventivne i savjetodavne mehanizme, uz podršku postojećih stručnih službi.

S poštovanjem,

Dostaviti:

- ① Naslovu
2. Direktor Centra
3. a/a Ustanove

Direktorica:

Harisa Muratović



Broj: 08-02-09/2-035-5691 /25.SJ
Datum: 23.06.2025.godine.

OPĆINA KAKANJ
-Općinsko vijeće-
Služba za poslove Općinskog vijeća
K A K A N J

Primljeno: 26-06-2025			
Org. jed.	Kl. oznaka	Broj	Prilog

PREDMET: Odgovor na vijećniču inicijativu, d o s t a v l j a s e.-

VEZA: Vaš akt broj:01/1-7-245/25, od 17.06.2025godine.


U prilogu akta dostavljamo vam odgovor na vijećničku inicijativu vijećnika Branka Češljica dostavljenu Upravi policije MUP-a ZDK.

PRILOG:
Kao u tekstu.

KOMANDIR
Viši inspektor
Kenan Zaimović

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
ZENICA
SLUŽBA ZA POSLOVE OPĆINSKOG VIJEĆA

26. 6. 2025.			
Org. jed.	Kl. oznaka	Broj	Prilog
03/1-	352	/25	.



Bosna i Hercegovina
Federacija Bosne i Hercegovine
Zeničko-dobojski kanton

OPĆINA KAKANJ
Zavod za planiranje i izgradnju
Općine Kakanj



Broj:01/2- 04-1551 /25
Datum: 04.07.2025. god.

OPĆINA KAKANJ
Općinsko vijeće

Bosna i Hercegovina
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA KAKANJ
STRUČNA SLUŽBA ZA POSLOVE OPĆINSKOG VIJEĆA
K K A K A N J
Dostavljeno: 7.7.2025.
Opć. jed. Broj: 03/1-361/25
Vrij. prijema:

PREDMET: Odgovor na vijećničku inicijativu, dostavlja se

Na 8. sjednici Općinskog vijeća održanoj 26.06.2025.godine, vijećnica Vinka Aletović (SDP) je pokrenula vijećničku inicijativu:

„Da se izvrši dezinsekcija štetnih insekata posebno žohara na području općine Kakanj“.

Odgovor:

Zavod za planiranje i izgradnju Općine Kakanj u svojim redovnim aktivnostima ima ugovor sa firmom „Sanacija 3D“ d.o.o Sarajevo o pružanju usluga preventivne sistemske dezinfekcije, dezinsekcije i deratizacije i to dva puta godišnje (proljetna i jesenja faza). Tokom mjeseca aprila tekuće godine izvršena je proljetna faza dezinfekcije, dezinsekcije i deratizacije po aktuelnom ugovoru sa gore navedenom firmom.

Zavod za planiranje i izgradnju Općine Kakanj je predsjednicima kućnih savjeta davao preporuku da se obrate svom upravitelju zajedničkih prostorija da obave preventivnu dezinfekciju u tim objektima. Podsjećamo, članom 2. Pravilnika o načinu obavljanja obavezne dezinfekcije, dezinsekcije i deratizacije (Službene novine F BiH broj 30/16) utvrđeno je da je provođenje preventivne deratizacije obaveza vlasnika ili korisnika objekata i prostora.

S poštovanjem,

Dostavljeno:
1x naslovu
1x a/a

DIREKTOR

Izudin Puščul




Ul. branilaca 1
72240 Kakanj



zavod@kakanj.gov.ba



T: 032 552 011



Bosna i Hercegovina
Federacija Bosne i Hercegovine
Zeničko-dobojski kanton




OPĆINA KAKANJ
Zavod za planiranje i izgradnju
Općine Kakanj

Broj: 01/1-04-1659 /25

Datum: 17.07.2025. godine

Stručna služba Općinskog vijeća Kakanj



Predmet: Odgovor na Vijećničku inicijativu, dostavlja se

Zavodu za planiranje i izgradnju općine Kakanj upućena je vijećnička inicijativa broj:01/1-8-285/25 od 26.06.2025. godine, vijećnica Mirela Kubura (SN) je uputila sljedeću vijećničku inicijativu:

"Za sanaciju stepenica na ulazu u zgradu A-3 u ulici Šehida.

Stepenice na ulazu u zgradu A-3 u ulici Šehida nalaze se u lošem stanju i neuslovne su za sve stanare. Potrebna je hitna sanacija oštećenih stepenica kako bi se osiguralo lakše kretanje.

Uz to je potrebno da se izvrši postavljanje rukohvata na stepenicama iste zgrade kako bi se povećala sigurnost i omogućilo lakše kretanje osobama smanjene pokretljivosti.

Također, predlažem da se parking prostor između zgrada A-2 i A-3 u istoj ulici naspe tamponom obzirom da nije adekvatno uređen, zbog čega u periodima padavina dolazi do stvaranja neravnina i blata. S toga, predlažem da prostor pospe tamponom kako bi se omogućila privremena stabilizacija i urednije korištenje dok se ne osiguraju sredstva za trajno uređenje."

Odgovor:

Zavod za planiranje i izgradnju Općine Kakanj podržava ovu inicijativu te je već danas uputilo pismeni nalog JP "Vodokom" doo Kakanj da se saniraju oštećene stepenice na ulazu u zgradu A-3 kao i da se izradi i postavi primjeren rukohvat na ulazu u navedenu zgradu.

Što se tiče drugog prijedloga, Zavod za planiranje i izgradnju općine Kakanj podržava ovu inicijativu za uređenje parking prostora između zgrada A-2 i A-3, te će razmotriti mogućnost realizacije potrebnih izvedbenih radova kroz ugovor o redovnom održavanju cesta. Realizacija će zavisiti od raspoloživih sredstava i prioriteta definisanih za tekuću godinu.

S poštovanjem,

Dostavljeno:

1x

1x a/a

DIREKTOR

[Signature]
Izudin Pušćul

